

KHOTSO



“Hoja le uena u tsebile, le ka tsatsi lena la hao, tse ka beng li u hlalsetsa khotso!” Luka 19:42.

Ha re talima ka hohle 'me re bona lintho tse etsahalang lefatšeng kajeno, ho bonahala hantle hore ha ko khotso lefatšeng. Hohle u utloa lintho tsa mahloeo, meferefere, lipolao, lintoa le lipuo tsa lintoa. Ha ho tsotellehe hore u bala pampiri efe ea litaba empa ho eona u tla fumana lintho tse tšabehang tseo batho ba li etsang ho ba bang, ka lebaka la sebe, le hloeo le mona. Batho ba baholo ba lefatše ba lekile ka lilemo ho bopa khotso lefatšeng, empa ha ho le a mong oa bona a seng a kile a atleha. Ha se hore lefatše le boemong bona feela, empa ke ntho e soabisang hore ho boleloe kamoo malapa a rona a man-

gata le oona a hlokang khotso ka hare ho oona. Ntho e mpe ho feta, leha ho le joalo ke hore ho na le palo e kholo ea batho kajeno lefatšeng ba hlokang khotso meeng, 'me mona ke hona moo mothapo oa khathatso eohle o leng teng.

KE KA LEBAKA LA'NG HO SENG KHOTSO?

Tšimolohong Molimo o ile oa hlola lefatše le joang, lipalesa, lifatele li-phoofolo tsohle tse phelang tlas'a metsi esita le tse phelang lefatšeng le omileng. Molimo hape oa bopa Adama le Eva 'me tlholehong ena ea sebele khotso e ne e le teng. Adama le Eva ba ne ba sa tšabe le e'ngoe ea liphoofofo, le liphoofofo li phelisana ka khotso le bona e le khotso kamehla. Nku e ne e itsamaela haufi le tau le tau e ne e ke ke ea e etsa letho. Holim'a tsena tsohle, ho ne ho e-na le khotso lipakeng tsa Molimo le motho, 'me Molimo o ne o ee o thehoe ka nako eo ho pholileng motšhare oa mantsiboea e be o tsamaea le ho buisana le Adama le Eva. Ba ne ba se na tšabo ho Molimo lipelong tsa bona 'me ba ne ba o lebella ho tla ba le kopano le bona.

Satane, eo e leng sera sa khotso, a kena ho noha, eaba o leka Adama le Eva hore ba oele sebeng, a ba bolella hore ba ke ke ba shoa e ka sitana e ba ba ka hlompholla Molimo ka ho itjella litholoana tseo Molimo o li hanetseng hore ba ka li ja. Joaleka ha batho le joale ba sa ntse ba mamela lentsoe la diabolose, Adama le Eva ba ile ba mamela seo diabolose a neng a ba leka ka sona, 'me ba siteloa Molimo. Ka oona motsotso oo, khotso eo ba neng ba thaba ho eona ea ba tlohela – khotso eohle le botle boo Molimo o neng o bo entse tsa felisoa ka ketso e le 'ngoe feela ea ho etsa sebe, eaba joale tšabo a kena lipelong tsa bo Adama le Eva.

Mantsiboea ha Molimo o e-tla ka nako ea mehla ho tla buisana le bona moba ipata joale ba se ba tšaba bo teng ba Molimo. "Joaleka ha sebe se kene lefatšeng ka motho a le mong" leha ho le joala le rona ba phelang lefatšeng kajeno "bohle ba sitiloe 'me ha ba tšoaneloe ke khanya ea Molimo." (Ba-Roma 5: 12, 3:22). Sebe se le seng se hulela ho se seng 'me kajeno lefatše lohle lea kula ke sebe, 'me ka tsela e joalo, khotso ha e buse lefatšeng lena.

MOLIMO O LAKALITSE HO BUSETSA KHOTSO LEFATŠENG.

Molimo oa talima tlase o le leholimong 'me oa bona lehloeo, tšabo, sebe le, ho soaba, 'me ka lerato la Oona le lehlo o romela Mora oa Oona ea inotsi hore a tsoaloe setaleng, 'me ka selemo le selemo re ntse re hopotsoa mantsoe a lengeloi, "se tšabeng hobane, bonang, ke le bolella thabo e kholo e monate, ee e tla ba ea sechaba kaofela. Ke hore kajeno le tsoaletsoe 'Moloki motseng oa Davida, ke Krete Morena. Eaba bongata ba makhotla a leholimo bo phakisa ho ba le lengeloi ba boka Molimo ba re Khanya e bo ho Molimo maholimong a holimo-limo, khotso e be lefatšeng ho batho bao o khahloang ke bona." (Lu-ka 2:10-14). Jesu o ile a romeloa lefatšeng lena "ho ba leseli ho batho ba lu-

tseng lefifing le moriting oa lefu ho tsa maaisa maoto a rona tseleng ea khotso” (Luka 1:79). Ba-Efese 2:14 e re bolella hape hore “ke Eena khotso ea rona. Molimo O remetse Morena oa Khanya, lefatšeng lena ’me hoja batho ba matsatsi oa ba ne ba ile ba amohela Morena ao Khanya ba ka be ba ile ba fumana ho phela ka khotso hape.

BATHO BA ILE BA E TSA ENG KA KHOTSO EO?

Joale ka Adama le Eva, ba-Jode le ba-Lichaba le batho ba nako eo, ba ile ba khahloa ke ho hlompolla Molimo ba khahloa ke ho latela keletso ea Satane ba ile ba latola Morena oa Khanya ’me ha Pilato a bea Jesu le Barabase kapele ho bona ba hoeletsa, “Jesu a tlosoe! Re lokolleloe Barabase”. Ka mantsoe a mang ba ne ba re, “Nka Morena oa Khotso u re fe lehloeo, lintoa, lipolao, le sebe.” Batho bana ba ne ba lokolohile hore ba ikhethela e le bona ba sa qobelloe hore ba etse khetho e joalo, empa leha ho le joalo ba ikhethela Barabase. Matsatsi ao re phelang ho oona a tsoana hantle le matsatsi a nako eo. Molimo O re file ho khetha Re kaba le Jesu e le Molopolli oa rona le Morena oa rona, ‘me o tla tiisa khotso bophelong ba rona. ’Me are, “Ke le siela khotso; ke le fa khotso ea ka; ha ke le fe kamoo lefatše le le fang kateng. (Johanne 14:27). Libe bophelong ba rona li re isitse hole le Molimo “me boemong ba rona ba sebe ha re na khotso ka ho rona, empa Jesu kamehla o ntse a otlolotse letsoho la hae ho re khutlisa le ho re busetsa ho Eena, ho re hloekisa maling a Hae a bohlokoa, ho re fa matla a hore re fetohela bana ba Molimo le ho re fa khotso.

Rea bolelloa ho Ba-Roma 5:1 “Joale ha re beiloe ba lokileng ka tumelo, re na le khotso ho Molimo ka Jesu Krete Merona oa rona.” Ha ho letho lefatšeng lena le ka refang khotso. Lichelete, maruo botume li ke ke tsa re fa khotso, lino li ke ke tsa re fa khotso, esita le ho beha mabitso a rona libukeng tsa kereke, ho ke ke ha re fa khotso. Tsela e ’ngoe feela ea ho amohela Khotso sebakeng sa meea ea rona, e leng ea ho tla hó Morena Jesu, re inyatsetse le ho ipolela libe tsa rona kapele ho Eena, e be rea sokoloha ho tsona.’ “Oa tšepeha o lokile ho re tsoarela libe tsa rona le ho re hlatsoa bokhopo bohle.” Khotso eo Jesu a fanang ka eona ,ke khotso e fetang, kutloisiso eohle. (Ba-Filippi 4:7). E ke ke ea hlalosa ke motho, empa re ka e tseba ka tšebetso bophelong ba rona, haeba re lumela ho furalla lefatše le lintho tsa lefatše lena, ho furalla sebe le metsoalle ea baetsalibe le ho fetohela ho Morena Jesu Krete, ‘me re sebeletse Eena feela. Re ka ’na ra phela re se na khotso, empa re ka sitoa ho shoa re se na khotso, “hobane ’Muso oa Molimo ha se nama le lino, empa ke ho loka le khotso.” (Ba-Rom. 14:17). Haeba, ka lebaka leo re se na khotso ea Molimo lipelong tsa rona ha re e-shoa, ka sebele re ke ke ra amoheloa leholimong la Oona la khotso. Haeba re sa amohele Morena oa khotso bophelong ba rona, ’me re e-shoa re ntse re le boemong ba bokhopo ba rona, ho tla ba le tsela e le ’ngoe feela ea rona, ’me tsela eo ke ea mollo o sa feleng le lihele. U ka sitoa hore u shoele boemong boo u ntseng u le ho bona hona joale hobane u tla lahleha ka

ho sa feleng, 'me lentsoe la Molimo le re bolella “Mosi oa tlhokofatso ea hao o tla phahama ka ho sa feleng.” Ke lihele tse sa feleng tseo moetsalibe e eang ho tsona, 'me bohle re sitiloe, ha ho ea lokileng, leha a le mong feela. Haeba hee u rata ho ea leholimong, ho na le ntho e le 'ngoe feela eo u ka e etsang ea hore u etse khotso le Molimo, 'me u be le khotso ea Molimo pelong ea hao” u lumelle khotso ea Molimo hore e buse pelong ea hao. (Ba Kol. 3:15).

Ka nako ea Kresemese re hopotsoa ka ho tla ha Morena Jesu ho tliša khotso. Ka nako ea Paseka re hopotsoa kamoo batho ba ileng ba mo nyatsa 'me ba mo thakhisa. Motsoalle ea ratehang, na u tla ba e mong oa ba hanneng Morena, kapa u tla bula bophelo ba hao hore a kene ka ho bona? Ho na le tsela e le 'ngoe feela ea ho ba le khotso ea Molimo pelong ea hao, e leng ea ho oa ka mangole kapele ho Eena hona joale, u ipolele ho Eena hore u moetsalibe 'me o O kope hore o u hloekise 'me O u hlatsoe maling a Hae a bohlokoa a u etse oa Hae; Ha ho khathallehe hore na u ikutloa u lokile ha kae, u hloka hore u pholoso. Ho sa khathallehe hore na u ikhopola u le mobe ha hae. Oa lumela ho o amohela a ke ke a nyatsa le a mong feela. Haeba ha u e-so ka u tseba khotso ea Molimo moeeng oa hao e amohela hona joale 'me u tla ba le tabo e sa boleloeng e tlet-seng khanya.

Tšebeletsong e 'ngoe ea Evangeli monna-moholo e mong a ema a re. “Ke phetse nakong ea puso ea marena a mane. Pele kamehla re ne re le ntoeng, 'me e ne e le nako e mpe haholo. Pusong ea Morena oa bobeli re ile ra apareloa ke tšala ra lokela ho ja joang, liteoba le lithupa. **Nakong** ea puso ea morena oa boraro lira tsa rona tse ileng tsa re hlola re ile ra fetoha bahlanka ba bona, empa hona pusong eo ea morena oa boraro ra eteloa ke morena e mong e mohlolo, morene ea lokileng, morena oa khotso, morena oa lerato – **Jesu Morena ea tsoang leholimong!** O hapile tlhoko joale, o hapile lipelo tsa rona, joale re phela ka khotso le nala, 'me re hopolo kapele re tla aha le eena leholimong.”

Motsoalle oa ka ea ratehang, nehelana ka bophelo ba hao ho Jesu joale. Ka motsotso oa joale khaotsa leeto la tsela ea hao e thoehelang lihelong, soko-loha u sebeletse Morena oa marena, Mobusi oa babusi. Mohlomong u tla fumana hore ba bang ba metsoalle ea hao ba tla u furalla, empa hopola hore Jesu o itse, “Bonang, ke tla ba le lona ho isa bofelong ba 'lafatše.” 'Me joale qetellong. “Lumella khotso ea Molimo e buse pelong ea hao” (Ba-Kol. 3:15).

If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.

For **free** Gospel literature, books and tracts in over 540 languages, write to:

E-MAIL: info@angp.co.za

ALL NATIONS GOSPEL PUBLISHERS

P.O. Box 2191, PRETORIA, 0001, R.S.A.

(A Gospel Literature Mission financed by donations)

(Reg. No. 1961/001798/08)